



ЭКО мүше-елдер арасындағы Сауда ынтымақтастығы туралы шектемелі келісімді бекіту туралы

Қазақстан Республикасы Үкіметінің қаулысы 2000 жылғы 30 қыркүйек N 1478

Қазақстан Республикасының Үкіметі қаулы етеді:

1. 2000 жылғы 6 наурызда Тегеранда жасалған ЭКО мүше-елдер арасындағы Сауда ынтымақтастығы туралы шектемелі келісім бекітілсін.
2. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Эко мүше-елдері арасындағы
сауда ынтымақтастығы туралы
шектемелі келісім

Кіріспе

Осы келісімге қол қоюшы-елдердің Үкіметтері (бұдан әрі - "Уағдаласушы тараптар"); Экономикалық Ынтымақтастық Ұйымдарының (бұдан әрі - "ЭКО") мүше-елдері бола отырып;

ЭКО Жарғысы-Измил Шартында баяндалған мақсаттары мен міндеттерін және ЭКО аймағы үшін Экономикалық Ынтымақтастық Стратегиясының ережелерін ескере отырып,

ЭКО мемлекет және үкімет басшыларының 1-ші Кездесуінің Тегеран коммюникесі туралы (1992 ж. ақпан), мемлекет және үкімет басшыларының 2-ші Кездесуінің Бірлескен коммюникесі мен Декларациясын (Стамбул, 1993 ж. шілде), мемлекет және үкімет басшыларының 3-ші Кездесуінің Бірлескен коммюникесі мен Исламабад Декларациясын (Исламабад, 1995 ж., наурыз), мемлекет және үкімет басшыларының 4-ші Кездесуінің Ашхабад декларациясы мен мемлекет және үкімет басшыларының кезектен тыс Кездесуін (1996 ж. мамыр және 1997 ж. мамыр) және мемлекет және үкімет басшыларының 5-ші Кездесуінің Алматы Декларациясын (Алматы, 1998 ж.

мамыр) есте сақтай отырып;

Аймақтың тұрақтылығы мен гүлденуі үшін маңызды болып табылатын барлық мүше-елдердің экономикалық өсуі мен дамуын қамтамасыз ету мақсатында ЭКО шеңберінде сауда ынтымақтастығын тереңдетуге ұмтыла отырып;

Халықаралық ережелер мен нормаларға сәйкес келетін аймақішілік сауданы қамтамасыз ету тетігін құру туралы өзінің шешімін растай отырып және көбінесе, ЭКО аймағында сауданы ырықтандыруды қамтамасыз етудің маңыздылығына мән бере отырып;

Бүкілдүниежүзілік Сауда Ұйымына (БСҰ) әлі енбеген мүше-елдердің осы бағыттағы қажетті шараларын жүзеге асыру ниеттерін қолдай отырып;

Ынтымақтастықты кеңейту қажеттілігін, БСҰ кіру процесінде тұрған мүше-елдерге қолдау мен көмек көрсетуді мойындай отырып;

Тарифтік емес кедергілер аймақ ішкілік тауар айналымына айтарлықтай кедергілер туғызатындығын сезіне отырып;

Соңғы жылдары Келісуші тараптардың өзінің саудасын ырықтандыру және өзінің экономикасын одан әрі ашу мақсатында қабылдаған елеулі біржақты күш салуларды атай отырып;

Сауданы бірте-бірте ырықтандыру жөніндегі өзінің міндеттемелерін растай отырып ;

Қазіргі уақытта ЭКО аймағындағы жалпы сауда көлемінде өте аз үлес құрап отырған ішкі аймақтық саудаға жәрдемдесудің аса қажеттілігін ескере отырып;

Кедергілерді, әсіресе тарифтік емес, жоюға, саудаға айтарлықтай жәрдем көрсету үшін бірте-бірте толық шешімділікте бола отырып;

Төмендегілер туралы келісті:

1-бап. Принциптер

1. Уағдаласушы тараптар аймақішілік сауданы кемсітпеу және бір-біріне қатысы бойынша теңдік принципіне жүзеге асыруға келіседі.

2. Уағдаласушы тараптар аймақішілік және кейінгі аймақ аралық сауданы қолдау мақсатында сауданы ең бастысы сауданы ырықтандыру жолымен сауда ынтымақтастығын нығайту бойынша күш салады.

3. Уағдаласушы тараптар ЭКО аймағында сауда ынтымақтастығын тереңдетуге бағытталған шараларды немесе бастамаларды іске асыру кезінде ортақ пайдалылық принципін басшылыққа алады.

2-бап. Сауды ынтымақтастығының салалары

1. Уағдаласушы тараптар тарифтік емес кедергілерді бірте-бірте жоюды, сондай-ақ

ақталымды уақыт кезеңінде тарифтерді бірте-бірте төмендетуді қарастыратын ЭКО (ЕСОТА) Сауда Келісіміне қатысуға келісім береді.

2. Уағдаласушы тараптар сауданы ырықтандыру процесін қолдау үшін ынтымақтастықтың басқа салаларын зерттейтін болады.

3-бап. ЕСОТА дайындау

Сарапшылар тобы жоғары деңгейде (ГЭВУ) ЭКО аймағында тарифтік және тарифтік емес кедергілер бойынша тәсілдерді, қамтуды және ЕСОТА іске асырудың кестесін қоса алғанда ЕСОТА жобасын дайындайды. Бұл топ сонымен бірге 9-бапта көзделгеніндей сауда министрлеріне олардың функцияларын орындауға көмектесетін болады.

4-бап. ЭКО елдерінің басқа аймақтық және халықаралық ұйымдармен сауда ынтымақтастығы

Уағдаласушы тараптар арасындағы сауда ынтымақтастығын толықтыру мен кеңейту және әлемдік сауданың тез өзгеріп тұратын сыртқы шарттары мен үрдістеріне ден қою мақсатында Уағдаласушы тараптар аймақтық және халықаралық деңгейде ынтымақтастықты нығайту үшін тұрақты түрде консультациялар өткізетін болады.

5-бап. Сауда саласының ақпараты аясындағы ынтымақтастық

Уағдаласушы тараптар сауда жөніндегі ЭКО ақпарат жүйесі өзінің сыртқы саудасының құрамы мен бағыттылығы тарифтік құрылымы, сауда ережелері мен сақтандыру мәселелері, банк істері, көліктік іскерлік ұсыныстар ауысымы, әріптестік ұсыныстар, тендерлер бойынша елдер мен секторларды, компанияларды білдіру мүмкіндік шектерінде және басқа да қызмет көрсетулер бойынша мәліметтер мен ақпараттарды жинау үшін құрылу тиістілігімен келіседі. Бұл мәліметтерді Уағдаласушы тараптардың мемлекеттік және жеке ұйымдары пайдалану үшін қол жеткізілімді болады. Сауда ақпараттарын ұсынатын Уағдаласушы тараптардың кез келген ұлттық ұйымдарының ақпараттық жүйе құру ісіндегі ынтымақтастығы көтермеленетін болады.

6-бап. Сауданы қаржыландыру.

Осы Келісімде баяндалған сауда нәтижелерін жеңілдету үшін уағдаласушы тараптар сауда саласындағы ЭКО-ның қазіргі Келісімдерін тиімді орындауда және

сауданы қаржыландырудағы, банк ісіндегі және сақтандырудағы өзінің ынтымақтастығын кеңейтуде ынтымақтасатын болады.

7-бап. Зерттеулер жүргізу және кадрларды оқытудағы техникалық ынтымақтастық

Халықаралық сауда саласында оқу және зерттеу мүмкіндіктері бар Уағдаласушы тараптар Уағдаласушы тараптарға, бәрінен бұрын Орта Азия елдері мен Әзірбайжанға оқу курстарын, зерттеулер тәжірибесімен алмасуды ұсынады және оларға техникалық көмек (мысалы, сарапшылары мен консультанттары бар қызмет көрсету түрінде) көрсетеді.

8-бап. Мемлекеттік және жеке кәсіпорындар арасындағы сауданы қолдау

Аймақтық ішкі сауданы көтермелеу мақсатында Уағдаласушы тараптар мемлекеттік және жеке кәсіпорындар арасында қарым-қатынастар мен ынтымақтастықты орнату бойынша күш салады.

9. Министрлер конференциясы, орындау барысын қарау және мониторинг

1. Сауда/сыртқы сауда министрлерінің конференциясы ЭКО-ның сауда саласындағы басқа келісімдерінің іске асуын бақылауды, үйлестіруді және зерделеуді жүзеге асыратын болады. Министрлер конференциясы, қажетіне қарай, шектемелі келісімнің және одан туындайтын басқа да келісімдердің орындалуына бақылау жасауды жүзеге асыру үшін жоғары лауазымды қызмет иелерінің тобын тағайындай алады.

2. ЭКО сауда-өнеркәсіп палатасының төрағасы министрлер конференциясына бақылаушы ретінде қатыса алады.

10. Келіспеушіліктерді реттеу.

Уағдаласушы тараптар арасындағы осы келісімді түсіндіруге немесе қолдануға қатысты кез келген келіспеушіліктер тараптар арасындағы мүмкіншілікті достық ахуалда шешілетін болады. Қажет кезде пікір қайшылықтары сауда/сыртқы сауда министрлерінің конференциясымен шешілетін болады.

11-бап. Басқа келісушіліктер

1. Осы Келісім немесе осы бойынша қабылданған кез келген іс-қимыл уағдаласушы тараптардың олар тараптары болып табылатын қандай да болмасын бар келісімдері бойынша құқықтары мен міндеттемелеріне ықпал етпейді.

2. Осы Келісімде ештеңе де келісуші тараптардың осы Келісімнің шарттары мен мақсатына қайшы келмейтін басқа келісімдер жасау құқығына ықпал етпейді.

12-бап. Жалпылама ерекшеліктер

Осы Келісімде ештеңе де уағдаласушы тараптардың кез келгеніне өзінің ұлттық қауіпсіздігін, діни құндылықтары мен қоғамдық моральды, адам өмірі мен денсаулығын, жануарлар мен өсімдіктерді, көркем, тарихи және археологиялық құндылығы бар заттарды қорғау үшін қажет деп табатын іс-

қимыл мен шараларды қолдануына, сондай-ақ осы шектемелі келісімнің ережелеріне қайшы келмейтін басқа шаралар қолдануына кедергі келтірмейді.

13-бап. Түзетулер

Осы Келісім уағдаласушы тараптармен келісілген түзетулер енгізу жолымен өзгертілуі мүмкін. Келісімге енгізілген түзетулер оларды келісуші тараптар қабылдағаннан кейін күшіне енеді.

14-бап. Күшіне ену

Осы Келісім ЭКО-ның, ең болмағанда, бес мүше елі ЭКО хатшылығына қабылдау немесе бекіту туралы хабар бергеннен кейін ғана күшіне енеді.

15-бап. Қорытынды ереже

Осы Келісім оның расталған көшірмесін уағдаласушы тараптың әрқайсысына кешіктірмей жіберетін ЭКО Хатшылығына берілетін болады.

Төменде қол қойғандар растау үшін ЭКО сауда ынтымақтастығы туралы осы шектемелі келісімді жасады.

2000 жылғы 6-наурызда Тегеранда ағылшын тіліндегі жалғыз данада қол қойылды.

Ауғанстан Ислам Мемлекетінің

Үкіметі үшін _____

Әзірбайжан Республикасының

Үкіметі үшін _____

Иран Ислам Республикасының

Үкіметі үшін _____

Қазақстан Республикасының

Үкіметі үшін _____

Қырғыз Республикасының

Үкіметі үшін _____

Пәкістан Ислам Республикасының

Үкіметі үшін _____

Тәжікстан Республикасының

Үкіметі үшін _____

Түрік Республикасының

Үкіметі үшін _____

Түрікменстан Үкіметі үшін _____

Өзбекстан Республикасының

Үкіметі үшін _____

Оқығандар:

Багарова Ж.А.

Икебаева А.Ж.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК